



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1863**

CCLXI. Kurfürst Johann belehnt Claus von der Kuhmeise mit dem  
Städtchen Bernäuchen, Ringenwalde und andern Orten, am 2. Juni 1486.

---

---

**Nutzungsbedingungen**

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

Jorgen vnd Joachim Glasow, die molle mit dem Seeken, das darzu ligt, vnd mit dem grafischen flieffe vnd das ganze Mollenfis mit allem holze, gras vnd was darzu gehort vnd die fies zwischen dem zuftee vnd Bandin vnd also, als es In den vir malen ligt vnd den zulmer, das ein holzftet ist, Conrestorff ganz mit aller gerechtikeit, als es ligt In seinen vir malen vnd zwen sehe, also grosse dyricke vnd lutke dyricke. Wir leyhen In sodan obgeschriben lehn guter, zins vnd Rente zu rechtem manlehn vnd gesampter hant, In craft vnd macht dits briues etc. — Actum landzperg, am heyligen pfingstag, Im LXXXVIten.

Nach dem Churm. Lehnscopialbuche XXIX, 12.

CCLXI. Kurfürst Johann belehnt Claus von der Kuhmeise mit dem Städtchen Bernäuchen, Ringenwalde und andern Orten, am 2. Juni 1486.

Wir Johans etc., Bekennen vnd thun kunt offentlich mit disem briue fur vns, vnser erben vnd nachkomen vnd sunft vor allermeniglich, das wir vnsern lieben getrewen Clausen von der kumeisen zu rechtem manlehn recht vnd redlich gelihen haben das Stettichen Bernowichen mit aller gnaden vnd gerechtigkeiten, So das leit mit wassern vnd holzen vnd aller zubehorung; Item Ringenwolde mit gnaden vnd allen rechticheiten, wassern, holzen vnd aller zubehorung; Item wusterwicz mit aller gnaden vnd gerechtikeiten, wassern vnd holzen vnd aller zubehorung; Item das halbe dorff krumelin mit zweien teilen am gehege, zwen teill am kirchlehn, zwen taill am schulzengericht, zwen teill am krug vnd sunft mit allen andern gnaden, freyheiten, gerechtigkeiten vnd zugehorungen, Inmafen das Tyde plawen vormals gehabt vnd besessen hat vnd wir leyhen dem obgenanten Claus von der kuemaifen dis obengeschriben alles, was wir Im von rechts wegen daran verleihen sollen vnd mogen, In craft dises briues etc. — Actum am Freitag nach der Octaua corporis cristi Im LXXXVIten.

Nach dem Churm. Lehnscopialbuche XXIX, 11.

CCLXII. Kurfürst Johann verleiht an Christoph und Cyriacus Polenz das Dorf Benzlaschagen, am 4. Juni 1486.

Wir Johans etc., Bekennen etc., das wir vnsern lantuoit In der Newenmarck, rath vnd lieben getrewen Cristoff von polenczk, ritter, vnd Ciriacus von polenczk, seinem bruder, dise nachgeschriben guter zu rechtem manlehn vnd gesampter hant gnediglich gelihen haben, Nemlich das dorff Fenczelhagen mit sambt der Mollen vnd See, dem Alfang, holzen, heiden, aller